

四庫全書薈要

• 乾隆御覽本

集部

欽定四庫全書薈要

集部

李太白集分類補註卷十八

六至

詳校官助教臣常循



李太白集分類補註卷十六

宋楊齊賢集註

元蕭士贇補註

送

南陽送客

襄漢

斗酒勿為薄寸心貴不忘坐惜故人去偏令遊子傷離  
顏怨芳草春思結垂楊揮手再三別臨岐空斷腸

士贇  
曰論



語久要不忘  
平生之言

送張舍人之江東

淮南

張翰江東去正值秋風時天清一鴈遠海闊孤帆遲白  
日行欲暮滄波杳難期吳洲如見月千里幸相思

齊賢曰張

翰事見  
前卷

送王屋山人魏萬還王屋

并序

王屋山人魏萬云自嵩宋沿吳相送數千里不  
遇乘興遊台越經永嘉觀謝公石門後於廣陵

相見美其愛文好古浪跡方外因述其行而贈

是詩

一作見王屋山人魏萬云自嵩厯充遊梁入吳計程三千里相訪不遇因下江東尋

諸名山往復百越後於廣陵一面遂乘興共過金陵此公愛奇好古獨出物表因述其行遂有

此詩

仙人東方生浩蕩弄雲海沛然乘天遊獨往失所在魏  
侯繼大名本家聊攝城卷舒入元化跡與古賢并

齊賢曰東

方朔暫之紫泥之海見二卷杜預曰十三弄文史揮筆

聊攝齊西界平原聊縣東北有攝城

如振綺辨折田巴生心齊魯連子西涉清洛源頗驚人

世喧采秀卧王屋因窺洞天門竭來遊嵩峰羽客何雙  
雙朝携月光子暮宿玉女牕鬼谷上窈窕龍潭下奔淥  
齊賢曰東方朔書曰年十三學書三冬文史足用唐王  
屋縣隸河南府有王屋山嵩山唐隸河南登封縣鬼谷  
先生晉平公時人隱居鬼谷因以為號先生姓王名剛  
蘇秦張儀從之學學成歸先生與一隻履化為犬以引  
二子即日到秦徐廣曰潁川陽城有鬼谷嵩山嵩陽觀  
西有龍潭士贇曰魯連子曰齊之辯者曰田巴辯於狙  
丘而議於稷下毀五帝罪三王一日而服千人有徐劫弟  
子曰魯連謂劫曰臣願得當田子使之不敢復說於是往  
見而請曰今楚軍南陽趙伐高唐國亡在旦夕今臣將罷  
南陽之師還高唐之兵所貴談說此之謂也如先生之言  
有似晨鳴人皆惡之田巴於是杜口易業終身不東浮  
談淥音叢毛詩箋云水會也說文小水入大水

東浮

汴河水訪我三千里逸興滿吳雲飄飄淞江汜揮手杭

越間樟亭望潮還濤捲海門石雲橫天際山白馬走素

車雷奔駭心顏

齊賢曰浙江汜杭今之臨安浙之西遙越州今紹興府浙之東樟亭在焉

聞會稽美且度耶溪水萬壑與千巖崢嶸鏡湖裏秀色

不可名清暉滿江城人遊月邊去舟在空中行此中久

延佇入剡尋王許笑讀曹娥碑沈吟黃絹語天台連四

明日入向國清五峰轉月色百里行松聲靈溪恣沿越

華頂殊超忽石梁橫青天側足履半月

齊賢曰世說顧長康從會稽還

人問山川之美顧云千巖競秀萬壑爭奇耶溪見前許邁  
移臨安入西山改名玄義之造之相與為世外交曹娥上  
虞人父盱迎神祈壽而上為水所淹不得尸娥年十四乃  
投瓜於江祝父在此瓜當沉旬有七日瓜沉娥遂投江而  
死縣令度尚為改葬作碑蔡邕過吳讀碑文以為詩人之  
倫因刻石傍作八字云黃絹幼婦外孫蓋曰曹操與楊脩  
共讀之脩先悟操行三十里方悟為絕妙好辭四字天台  
賦云過靈溪而一躍僧惠虛姓陳居天台國清寺與同侶  
遊山戲過石橋水峻苔滑懸流萬仞下不見底眾皆股  
慄不行惠虛獨超然而過徑上石壁外微有小徑遂見  
宮闕連亘十里許其門題以會真府左曰金庭宮右曰  
同伯宮皆金樓玉宇而石梁之孔靈符會稽記曰赤城  
山有石卷然思永嘉不懼海路賒掛席歷海嶠迴瞻赤  
橋懸度

城霞赤城漸微沒孤嶼前嶢兀水續萬古流亭空千霜



月齊賢曰唐温州永嘉郡謝靈運出為永嘉守郡有名山水肆意遊遨徧歷諸縣所至輒為詩詠以致其意

故有登臨海嶠初發強中作會稽記曰赤城山山色皆赤狀似雲霞縉雲川谷難石門最

可觀瀑布掛北斗莫窮此水端噴壁灑素雪空濛生晝

寒却思惡溪去寧懼惡溪咆哮七十灘水石相噴薄

路創李北海巖開謝康樂松風和猿聲搜索連洞壑徑

出梅花橋雙溪納歸潮落帆金華岸赤松若可招齊賢曰唐

處州縉雲縣謝靈運有登石門最高頂詩又靈運遊名山志曰石門開六處石門迴水上入兩山開兩邊石壁

右邊石巖下臨澗水南史褚伯玉錢塘人往剡居瀑布山麗水縣東十里有惡溪多水怪太白自註李邕昔為

括州開此嶺路又曰惡溪有謝康樂題詩處婺州金華縣有金華山金華有赤松澗人見赤松子安期先生於

此沈約八詠樓城西孤岩堯岩堯四荒外曠望羣川會

雲卷天地開波連浙西大亂流新安口北指嚴光瀨釣

臺碧雲中邈與蒼嶺對稍稍來吳都徘徊上姑蘇煙綿

橫九疑潏水大貌蕩見五湖目極心更遠悲歌但長吁賢

曰南史沈約字休文吳郡人為棗陽太守郡有沈約八詠樓又有新安江水至清淺詩蘇州吳郡治吳縣五湖

即震澤見前士贇曰師古曰戎狄荒服故曰四荒言其恍惚去來無常也蒼嶺在台州仙居縣西北五十里高

五千迴橈楚江濱揮策揚子津身着日本裘裴則朝卿所贈日本

布為昂藏出風塵五月造我語知非佻儻人相逢樂無

限水石日在眼徒干五諸侯不致百金產吾友揚子雲  
絃歌播清芬雖為江寧宰好與山公羣乘興但一行且  
知我愛君君來幾何時仙臺應有期東牕綠玉樹定長  
三五枝至今天壇人當笑爾歸遲我苦惜遠別茫然使  
心悲黃河若不斷白首長相思

齊賢曰日本去  
京師萬四千里

### 送當塗趙少府赴長蘆

我來揚都市送客回輕舠因誇楚太子便覩廣陵濤仙

尉趙家玉英風凌四豪維舟至長蘆目送煙雲高搖扇

對酒樓持袂把蟹螯前途儻相思登嶽一長謠

齊賢曰揚都揚

州士贊曰漢書游俠傳信陵平原孟嘗春中游諸侯者以四豪為稱首

### 送友人尋越中山水

聞道稽山去偏宜謝客才千巖泉灑落萬壑樹縈迴東  
海橫秦望西陵遠越臺湖清霜鏡曉濤白雪山來八月

枚乘筆三吳張翰杯此中多逸興早晚向天台

齊賢曰會稽記

秦望山在州城正南史記始皇登之望南海西陵與浙江亭相對乃錢塘會稽津渡處晉張翰任心自適不求

當世或謂之曰卿乃可縱適一時獨不為身後名邪答曰使我有身後名不如即時一杯酒天台山在台州士贇曰越臺即越王臺圖經云在種山今在卧龍之西

### 送族弟凝之滁求婚崔氏

與爾情不淺忘筌已得魚玉臺掛寶鏡持此意何如坦腹東牀下由來志氣踈遙知向前路擲菓定盈車

齊賢曰莊

子筌者所以求魚也得魚而忘筌潘安仁至美每行老嫗以菓擲之滿車

### 送友人遊梅湖

送君遊梅湖應見梅花發有使寄我來無令紅芳歇暫

行新林浦定醉金陵月莫惜一鴈書音塵坐胡越

齊賢曰漢

書帝思蘇武使謂單于天子射上林得鴈足繫帛士贇曰陸凱與范曄相善自江南寄梅花一枝詣長安與曄詩曰折梅逢驛使寄與隴頭人江南無所有聊贈一枝春

送崔十二遊天竺寺

還聞天竺寺夢想懷東越每年海樹霜桂子落秋月送君遊此地已屬流芳歇待我來歲行相隨浮溟渤

齊賢曰錢

塘諸寺天竺最盛山有一門南北相望而上下兩天竺寺

送楊山人歸天台

客有思天台東行路超忽濤落浙江秋沙明浦陽月今  
遊方厭楚昨夢先歸越且盡秉燭歡無辭凌晨發我家  
小阮賢剖竹赤城邊詩人多見重官燭未曾然興引登  
山履情催泛海船石橋如可度攜手弄雲煙齊賢曰酈善長水經注云浦陽江水導源烏陽縣而經上虞縣小阮籍兄熙子咸也謝承後漢書已祇為揚州刺史在官不迎妻子夜與士對坐暗中不然官燭謝靈運尋山陟嶺必造幽峻巖嶂數十里莫不備盡登躡嘗着木屐上山則去其前齒下山則去其後齒有遊赤石進帆海詩

送溫處士歸黃山白鵝峰舊居

黃山四千仞三十二蓮峰丹崖夾石柱菡萏金芙蓉伊

昔昇絕頂下窺天目松仙人鍊玉處羽化留餘蹤

齊賢曰黃

山隸宣州圖經云黃帝與浮丘仙人鍊丹於此爾雅荷芙蓉其華菡萏其實蓮其根藕天目山在臨安西五十

里高三千九百丈周回八百里乃神仙所居有三十六洞太平寰宇記天山有兩湖若左右目故曰天目士贇

曰晉書許邁徧遊名山採藥莫測所終好道者皆謂之羽化也亦聞溫伯雪獨往今相

逢採秀辭五嶽攀巖歷萬重歸休白鵝嶺渴飲丹砂井

鳳吹我時來雲車爾當整去去陵陽東行行芳桂叢迴

溪十六度碧嶂盡晴空他日還相訪乘橋躡綵虹

齊賢曰白



鵝嶺在黃山莊子溫伯雪舍於魯仲尼見之而  
不言子路問仲尼曰夫人者目擊而道存矣

### 送方士趙叟之東平

長桑晚洞視五藏無全牛趙叟得秘訣還從方士遊西  
過獲麟臺為我弔孔丘念別復懷古潛然空淚流

齊賢曰莊

子庖丁曰始且解牛之時所見無非牛者三年之後  
未嘗見全牛也方今之時臣以神遇而不以目視獲麟  
臺在魯國西士贊曰史記扁鵲者渤海鄭人也姓秦氏  
名越人少時為人舍長舍客長桑君過扁鵲獨奇之嘗  
謹遇之長桑君亦知扁鵲非常人出入十餘年乃呼扁  
鵲私坐間與語曰我有禁方年老欲傳與公公母泄扁  
鵲曰敬諾乃出其懷中藥與扁鵲飲是以上池之水三  
十日當知物矣乃悉取其禁方書盡與扁鵲忽然不見

殆非人也扁鵲以其言飲藥三十日視見垣一方人以此視病盡見五臟癥結特以診脉為名耳

送韓準裴政孔巢父還山

魯中

獵客張兔豈不能掛龍虎所以青雲人高歌在巖戶韓  
生信英彥裴子含清真孔侯復秀出俱與雲霞親峻節  
凌遠松同衾卧盤石斧冰漱寒泉三子同二屐

士贊曰  
盤大石

也時時或乘興往往雲無心出山揖牧伯長嘯輕衣簪  
昨宵夢裏還云弄竹溪月今辰魯東門帳飲與君別雪  
崖滑去馬蘿徑迷歸人相思若煙草歷亂無冬春

齊賢  
曰尚

書周官曰外有州牧侯伯陸機演連珠曰頓網探雲不能招龍振網羅雲不必招鳳是以巢箕之叟不盼丘園之幣洗耳之民不發傅巖之夢此詩首四句意出於此

### 送楊少府赴選

大國置衡鏡準平天地心羣賢無邪人朗鑒窮情深吾君詠南風袞冕彈鳴琴時泰多美士京國會纓簪山苗落礪底幽松出高岑

齊賢曰禮記舜作五絃之琴以歌南風士贊曰三禮圖袞冕垂白珠

十有二旒以組為纓色如綬黼纁充耳玉簪導板黃金飾周制冕有紐

夫子有盛才主司

得球琳流水非鄭曲前行遇知音衣工剪綺綉一悞傷

千金何惜刀尺餘不裁寒女衾我非彈冠者感別但開  
襟空谷無白駒賢人豈悲吟大道安棄物時來或招尋  
爾見山吏部當應無陸沈齊賢曰漢書王吉傳吉與貢禹為友世稱王陽在位貢禹為友世稱王陽在位貢禹  
彈冠言其取舍同也師古曰彈冠者言入仕也毛詩皎  
皎白駒在彼空谷山濤為吏部所甄拔人物各為題目  
時稱山公啓事莊子陸沈註  
人中隱者譬如無水而沉

對雪奉餞任城六父秩滿歸京

龍虎謝鞭策鵷鷺不司晨君看海上鶴何似籠中鵲獨  
用天地心浮雲乃吾身雖將簪組狎若與煙霞親

齊賢曰蘇

衡曰凡象鳳者有五多赤色者鳳多青色者鸞多黃色者鸕多紫色者鷺多白色者鵙此鳥多青乃鸞非鳳也  
季父有英風白眉超常倫一官即夢寐脫屣歸西秦竇  
公敞華筵墨客盡來臻燕歌落胡鴈郢曲迴陽春征馬  
百度嘶遊車動行塵躊躇未忍去戀此四座人餞離駐  
高駕惜別空慙慙何時竹林下更與步兵鄰

齊賢曰白眉陽春白

雪事並見前卷士贊曰燕歌行古樂府名

### 魯郡堯祠送吳五之瑯琊

堯沒三千歲青松古廟存送行奠桂酒拜舞清心魂日

色促歸人連歌倒芳樽馬嘶俱醉起分手更何言

齊賢曰堯

州魯郡有堯廟士贊曰左傳心之精爽謂魂魄

魯郡堯祠送竇明府薄華還西京

時久病初起作

朝策犁眉騶舉鞭力不堪強扶愁疾向何處角巾微服  
堯祠南長楊掃地不見日石門噴作金沙潭笑誇故人

指絕境山光水色青於藍

齊賢曰爾雅黃馬黑喙曰騶

廟中往往來

擊鼓堯本無心爾何苦門前長跪雙石人有女如花日  
歌舞銀鞍繡轂往復迴簌林蹶石鳴風雷遠煙空翠時

明滅白鷗歷亂長飛雪紅泥亭子赤闌干碧流環轉青

錦湍深沉百丈洞海底那知不有蛟龍蟠

齊賢曰西京雜記晉靈公

家甚瑰壯四角以石人男女四十餘皆立侍

君不見綠珠潭水流東海綠珠

紅粉沈光彩綠珠樓下花滿園今日曾無一枝在昨夜

秋聲闐闐來洞庭水落騷人哀遂將三五少年輩登高

遠望形神開生前一笑輕九鼎魏武何悲銅雀臺

齊賢曰石

崇綠珠事見前卷魏志注建安十五年冬作銅雀臺士

贊曰王褒四子講德論商歌下注曰商秋聲也淮南子

天文訓曰涼風至四十五日我歌白雲倚牕牖爾聞其

聲但揮手長風吹月度海來遙勸仙人一杯酒酒中樂  
酣宵向分舉觴酌堯堯可聞何不令臯繇擁篲橫八極  
直上青天揮浮雲高陽小飲真瑣瑣山公酩酊何如我  
竹林七子去道賒蘭亭雄筆安足誇堯祠笑殺五湖水  
至今憔悴空荷花爾向西秦我東越暫向瀛洲訪金闕  
藍田太白若可期為余掃灑石上月

齊賢曰徐陵有白雲出嶠篇師古曰

舊所以掃也山公酩酊竹林七賢事見前王羲之蘭亭序曰永和九年歲在癸丑暮春之初會于會稽山陰之  
蘭亭東越會稽也漢志三神山上黃金銀為宮闕唐京兆府藍田縣范子計然曰玉英出藍田太白山在武功



縣南去長安三百里士  
贊曰爾雅曰瑣瑣小也

### 金鄉送韋八之西京

客自長安來還歸長安去狂風吹我心西掛咸陽樹此

情不可道此別何時遇望望不見君連山起煙霧

齊賢曰漢

志長安縣高帝五年置惠帝元年初城六年成戶八萬  
八百士贊曰太白此詩因別友而動懷君之思可謂身

在江海心存  
魏闕者矣

### 送薛九被讒去魯

宋人不辨玉魯賤東家丘我笑薛夫子胡為兩地遊黃

金消衆口白璧竟難投梧桐生蔌藜綠竹乏佳實鳳凰

宿誰家遂與羣雞匹齊賢曰宋人得燕石以為寶事見前魯人不知孔子以為是東家丘

顏師古曰美金見毀衆共疑之數被燒煉以至銷鑠又曰夜光之璧以闇投人於道莫不按劍相眄詩箋云鳳

凰之性非梧桐不栖非竹實不食田家養老馬窮士歸其門蛾眉笑蹙

音壁不者賓客去平原却斬美人首三千還駿奔齊賢曰田

子方見老馬於道問其御者曰公家之畜罷而不用出而鬻之子方曰少盡其力老棄其身仁者不為也以東

帛贖之史記平原君家樓臨民家民家有蹇者樂散行汲平原君美人居樓上臨見大笑之明日蹇者至門請

曰臣不幸有罷癘之疾而君之後宮笑臣臣願得笑者頭平原君笑應曰諾蹇者去君笑曰此豎子乃欲以一

笑之故殺吾美人不亦甚乎居歲餘賓客稍稍引去平原君怪之門下一人前曰以君之不殺笑嬖者以君為愛色而賤士即去耳於是君乃殺笑嬖者毛公一挺劍美人頭自造門謝焉門下乃復稍稍來

### 楚趙兩相存

齊賢曰史秦圍邯鄲趙使平原君求救合從於楚約與食客文武備者二十人偕得

十九人餘無可取者有毛遂自薦曰願備員而行平原君與楚合從言其利害日出而言之日中不決毛遂按劍歷階而上曰白起小豎子耳率數萬之衆與楚國戰一戰而舉鄢郢再戰而燒夷陵三戰而辱王之先人此百世之怨而趙之所羞而王不知惡合從者為楚非為趙也楚王曰唯唯謹奉社稷以從遂謂楚王之左右曰取雞狗馬之血來遂奉銅盤而跪進之楚王曰王當歃血定從次者吾君次者遂遂定從於殿上孟嘗

### 悅狡兔三窟賴馮諼

齊賢曰史記孟嘗使馮諼收責於薛諼矯以賜諸民因燒其券長驅

到齊孟嘗君見之曰責畢收乎曰收畢矣以何市而反  
諷曰君云視吾家所寡有者臣竊計君所寡者義耳竊  
以為君市義君不說暮年孟嘗君就國於薛民扶老攜  
幼迎君道中君顧馮諼曰先生所為文市義者乃今日  
見之諷曰狡兔有三窟僅得免其死今君有一窟未得  
高枕而卧也請為君復鑿二窟乃西遊梁謂惠王曰齊  
放孟嘗君諸侯先迎之國富而兵強於是惠王遣使聘  
孟嘗君梁使三反齊王聞之遣太傅謝君曰寡人不祥  
沉於諂諛之臣開罪於君寡人不足為也願君顧先王  
之宗廟反國統萬人乎諷戒君曰願請先王之祭器立  
宗廟於薛廟成還報君曰三窟已就君姑高枕  
為樂矣君為相數十年無纖芥之禍諷之計也  
信陵奪

兵符為用侯生言

士贊曰史記魏公子無忌用侯春申

一何愚刎首為李園

齊賢曰史記楚人李園進女弟於春申君君即幸之知其有身園與

其女弟謀使說君曰今妾有身而人莫知誠以君之重  
進妾於楚王王必幸妾賴天有子男則是君之子為王  
也楚國盡可得君大然之乃出園女弟謹舍而言之楚  
王王召入幸之遂生子男立為太子以園女弟為皇后  
楚王貴李園園用事恐春申君語泄欲殺以滅口而國  
人無有知者後楚考烈王卒李園果先入伏死士於棘  
門之內春申君入棘門死士刺君斬其頭投之棘門外  
使吏盡滅君之家而李園女弟所生子者遂立為幽王

賢哉四公子撫掌黃泉裏借問笑何人笑人不好士爾

去且勿諠桃李竟何言沙丘無漂母誰肯飯王孫齊賢

曰史賢

記沙丘在鉅鹿此沙丘當在魯韓信漂母事見前士贊  
曰按此四句乃是總上之意蓋取平原孟嘗信陵得士  
而用其言故卒能自保譏春申君不能用朱英之言而  
卒受李園之禍故詩中有春申一何愚之語也國策曰

春申君相楚二十五年考烈王病朱英謂春申君曰世有無妄之福又有無妄之禍今君處無妄之世以事無妄之主安不有無妄之人乎春申君曰何謂曰君相楚二十餘年矣雖名為相國實楚王也五子皆相諸侯今王疾甚旦暮且崩太子衰弱疾而不起而君相少主因而代立當國如伊尹周公王長而反政不即遂南面稱孤因而有楚國此所謂無妄之福也李園國舅也不為兵將而陰養死士之日久矣楚王崩李園必先入據本議制斷君命乘權而殺君以滅口此所謂無妄之禍也君先仕臣為郎中王崩李園先入臣請為君刺其胷殺之此所謂無妄之人也春申君曰先生置之勿復言且李園軟弱人也僕又善之又何至此朱英恐乃亡去後十七日考烈王崩果罹其禍

單父東樓秋夜送族弟沈之秦

時凝弟在席

爾從咸陽來問我何勞苦沐猴而冠不足言身騎土牛  
滯東魯沈弟欲行凝弟留孤飛一鴈秦雲秋坐來黃葉  
落四五北斗已掛西城樓絲桐感人絃亦絕滿堂送君  
皆惜別卷簾見月清興來疑是山陰夜中雪明日斗酒  
別惆悵清路塵遙望長安日不見長安人長安宮闕九  
天上此地曾經為近臣一朝復一朝髮白心不改屈原  
憔悴滯江潭亭伯流離放遼海折翮翻飛隨轉蓬聞弦  
虛墜下霜空聖朝久棄青雲士他日誰憐張長公

齊賢曰太

白嘗供奉翰林故曰近臣士贊曰崔亭伯忤竇憲  
出為長岑事見十卷白此詩睠顧宗國之意深矣

送族弟凝至晏堦單父三十里

雪滿原野白戎裝出盤遊揮鞭布獵騎四顧登高丘  
兔起馬足間蒼鷹下平疇喧呼相馳逐取樂銷人憂  
捨此戒禽荒微聲列齊謳鳴雞發晏堦別鴈驚涑溝  
西行有東音寄與長河流

齊賢曰書盤遊無度又曰  
外作禽荒說文謳歌也

魯城北郭曲腰桑下送張子還嵩陽

送別枯桑下凋葉落半空  
我行惜道遠爾獨知天風誰



念張仲蔚還依蒿與蓬何時一杯酒更與李膺同

齊賢曰三

輔決錄張仲蔚平陵人所居蓬蒿之下士賈曰太白以仲蔚比張子而以李膺自比耳

李太白集分類補註卷十六

李太白集分類補註卷十七

宋楊齊賢集註

元蕭士贇補註

送

送魯郡劉長史遷弘農長史

魯國一杯水難容橫海鱗  
仲尼且不敬況乃尋常人  
白玉換斗粟黃金買尺薪  
閉門木葉下始覺秋非春

齊賢曰魯

人以仲尼為東家丘士贊曰張協詩尺燼重尋桂紅粒  
貴瓊瑤良曰燼薪也紅粒米也一尺之薪價重於一尋  
之桂而米亦重於玉也淮南子曰一葉落而天下知秋聞君向西遷地即鼎湖鄰

寶鏡匣蒼蘚丹經理素塵軒后上天時攀龍遺小臣及

此畱惠愛庶幾風化淳

齊賢曰鼎湖小臣攀龍髯事見前

魯縞如白煙

五縑不成束臨行贈貧交一尺重山嶽相國齊晏子贈

行不及言託陰當樹李忘憂當樹萱他日見張祿綈袍

懷舊恩

齊賢曰孔安國曰縞白繒子夏傳云五匹為束三玄二纁象陰陽家語孔子去周老子送之曰

富貴者送人以財仁者送人以言晉趙鞅謂陽虎曰樹桃李者夏得其休息秋得其實焉毛詩焉得萱草注萱

草令人忘憂張祿范睢  
也綈袍戀戀事見前注

送族弟單父主簿凝攝宋城主簿至郭南月橋  
却迴棲霞山畱飲贈之

吾家青萍劍操割有餘閒往來糾二邑此去何時還  
鞍馬月橋南光輝岐路間賢豪相追餞却到棲霞山  
群花散芳園斗酒開離顏樂酣相顧起征馬無由攀  
齊賢曰青萍劍

名

魯郡東石門送杜二甫

醉別復幾日登臨徧池臺何時石門路重有金樽開秋  
波落泗水海色明徂徠飛蓬各自遠且盡手中杯齊賢曰魯  
郡有泗水縣徂徠山名士贊曰杜工部常有詩贈太白  
曰何時一樽酒重與細論文今觀此篇豈一時酬答之  
取詩

魯郡堯祠送張十四遊河北

猛虎伏尺草雖藏難蔽身有如張公子骭髀在風塵豈  
無橫腰劒屈彼淮陰人擊筑向北燕燕歌易水濱歸來  
太山上當與爾為鄰齊賢曰骭髀高亢犇直之貌淮陰  
少年侮韓信高漸離擊筑而歌送

荆卿易水上事見前

杭州送裴大澤時赴廬州長史

吳中

西江天柱遠東越海門深去割辭親戀行憂報國心好

風吹落日流水引長吟五月披裘者應知不取金

齊賢曰文

頴曰天柱山在蕩縣南杭州望海門三山隱隱可見嵇康高士傳披裘公者吳人延陵季子出遊見道中有遺

金時當五月見披裘負薪顧令取彼金公投鐮嘆曰五月披裘而負薪豈取金者哉季子大驚問其姓名公曰

吾子皮相之士安足語姓名南史甄彬中山人常以一束苧就長沙寺質錢後取苧中得五兩金送還寺道人

以半酬彬彬不受謂曰五月披羊裘而負薪豈拾遺金者耶

灞陵行送別 長安

送君灞陵亭，灞水流浩浩。上有無花之古樹，下有傷心之春草。我向秦人問路岐，云是王粲南登之古道。古道連綿走西京，紫闕落日浮雲生。正當今夕斷腸處，黃鸝愁絕不忍聽。齊賢曰：灞陵見前。王粲，山陽人，獻帝西遷，從至長安，以西京擾亂，乃之荊州，依劉表。

登荊州城樓作賦以寄意

送賀監歸四明應制

久辭榮祿遂初衣，曾向長生說息機。真訣自從茅氏得，



恩波應阻洞庭歸瑤臺含霧星辰滿仙嶠浮空島嶼微

借問欲栖珠樹鶴何年却向帝城飛

齊賢曰賀知章遷秘書監天寶中疾

夢遊帝居乃請為道士還鄉里詔許之以宅為千秋宮而居又求周官湖數頃為放生池賜鏡湖剡溪一曲既行帝賜詩皇太子百官餞送神仙傳茅濞字初成師鬼谷先生受長生之術神丹之方入華山修道煉藥乘雲駕龍白日昇天淮南子崑崙中有增城兩重珠樹玉樹

### 送竇司馬貶宜春

天馬白銀鞍親承明主歡關雞金宮裏射鴈碧雲端  
堂上羅中貴歌鐘清夜闌何年謫南國拂劒坐長嘆趙璧

為誰點隋珠枉被彈聖朝多雨露莫厭此行難

齊賢曰史秦既

得趙璧無意與城蘭相如給之曰此璧有瑕以歸說苑  
隋侯之珠用之彈雀不如泥丸士贇曰聖朝多雨露即  
唐書制曰朕以恩澤  
者帝王之雨露之意

### 送羽林陶將軍

將軍出使擁樓船江上旌旗拂紫烟萬里橫戈探虎穴  
三杯拔劍舞龍泉莫道詞人無膽氣臨行將贈繞朝鞭

齊賢曰唐志左右羽林軍大將軍各一人正三品將軍  
各三人從三品掌統北衙禁兵督攝左右廂飛騎儀仗  
大朝會則周衛階陛巡幸則夾馳道為內仗周禮熊  
虎為旗析羽為旌龍象劍名士贇曰詞人太白自稱

送程劉二侍郎兼獨孤判官赴安西幕府

安西幕府多材雄喧喧唯道三數公繡衣貂裘明積雪  
飛書走檄如飄風朝辭明主出紫宮銀鞍送別金城空

齊賢曰唐志安西都護府治西州後徙治高昌故地又徙治龜茲都督府而故府復為西州師古曰幕府以軍幕為義軍旅無常居止故以帳幕言之說文檄尺二書也師古曰為檄文馳以示遠所天外飛霜

下蔥海火旗雲馬生光彩胡塞清塵幾日歸漢家草綠

遙相待

齊賢曰西河舊事云蔥嶺其山高火上悉生蔥故以名考工記龍旂九旂以象大火鳥旗七旂

以象鷄火大火蒼龍宿之心鷄火朱鳥宿之柳

送姪良攜二妓赴會稽戲有此贈

携妓東山去春光半道催遙看若桃李雙入鏡中開

齊賢

曰王羲之云每行山陰道上如鏡中士贇曰謝安携妓東山事見前

送賀賓客歸越

鏡湖流水漾清波狂客歸舟逸興多山陰道士如相見

應寫黃庭換白鵝

齊賢曰賀知章自號四明狂客山陰道士養鵝羲之往觀意說道士云寫

道德經當舉羣相贈羲之欣然寫畢籠鵝而歸

送張遙之壽陽幕府

壽陽信天險天險橫荆關  
苻堅百萬衆遙阻八公山  
不假築長城大賢在其間  
戰夫若熊虎破敵有餘閒  
張子勇且英少輕衛霍  
屢投軀紫髯將千里望風  
顏勗爾效才略功成衣錦  
還

齊賢曰壽春縣屬九江東晉以鄭皇  
后諱改壽陽八公山一名肥陵山在

壽春縣北四里獻帝春秋張遼問吳降人向有紫髯將  
軍上長下短便馬善射是誰曰孫會稽士贇曰苻堅兵  
敗見八公山草木皆晉兵事見前卷衛青霍  
去病皆漢名將孟康曰冀州人謂懦弱為屢

### 送裴十八圖南歸嵩山二首

何處可為別長安青綺門  
胡姬招素手延客醉金樽  
臨

當上馬時我獨與君言風吹芳蘭折日沒鳥雀喧舉手  
指飛鴻此情難具論同歸無早晚潁水有清源

齊賢曰  
長安霸

城門曰  
青門

其二

君思潁水綠忽復歸嵩岑歸時莫洗耳為我洗其心洗  
心得真情洗耳徒買名謝公終一起相與濟蒼生

齊賢  
曰巢

父洗耳事見前晉書曰  
安石不起富如蒼生何

同王昌齡送族弟襄歸桂陽二首

秦地見碧草楚謠對清樽把酒爾何思  
鷓鴣啼南園余欲羅浮隱猶懷明主恩  
躊躇紫宮戀孤負滄洲言終然無心雲  
海上同飛翻相期乃不淺幽桂有芳根

齊賢曰南越志

鷓鴣雖東西迴翔然開翅之始必先南翥士贊曰細味此詩非一飯不忘君者乎議者何厚誣太白不如杜哉

## 其二

爾家何在瀟湘川青莎白石長江邊  
昨夢江花照江日幾枝正發東牕前  
覺來欲往心悠然魂隨越鳥飛南天  
秦雲連山海相接桂水橫煙不可涉  
送君此去令人愁

風帆茫茫隔河洲春潭瓊草綠可折西寄長安明月樓

送外甥鄭灌從軍三首

六博爭雄好彩來金盤一擲萬人開丈夫賭命報天子

當斬胡頭衣錦迴

士贇曰毘敵象床有六博

其二

丈八蛇矛出隴西彎弧拂箭白猿啼破胡必用龍韜策

積甲應將熊耳齊

齊賢曰晉書載記陳安敗死隴上人歌曰丈八蛇矛左右盤十盞十盞十決無當前

淮南子楚王有白猿使養由基射之矯矢未發而猿擁桂號矣太公六韜有龍韜光武降赤眉於宜陽積兵甲



宜陽城西與  
熊耳山齊

其三

月蝕西方破敵時及瓜歸日未應遲  
斬胡血變黃河水

梟首當懸白鵲旗

齊賢曰酉陽雜俎云李太白聞祿山反作詩曰太白八月敵可摧後祿山

死日果見  
太白八月

送于十八應四子舉落第還嵩山

吾祖吹簫籥天人信森羅  
歸根復太素羣動熙元和  
炎四真人摛辨若濤波  
交流無時寂楊墨日成科  
夫子

聞洛誦誇才才固多為金好踊躍久客方蹉跎道可束  
賣之五寶溢山河勸君還嵩丘開酌盼庭柯三花如未  
落乘興一來過齊賢曰吾祖老子也老子云天地之間其猶橐籥乎又云萬物絪縕各復其根  
歸根曰靜莊子云何謂真人古之真人登高不慄入水  
不濡入火不熱士贇曰三花聚頂五氣朝元道家修養  
法也三花落則死矣三花未落乘興來過  
言有生之年未死之日猶有再會之期也

送別

尋陽五溪水汨汨直入巫山裏勝境由來人共傳君到  
南中自稱美送君別有八月秋颯颯蘆花復益愁雲帆

望遠不相見日暮長江空自流

齊賢曰江賦註逆流而上曰汭順流而下曰

沿泗士贇曰尋陽五溪水沿泗直入巫山峽者詩意謂由尋陽上五溪而入巫山也巫山界于夔峽二州之間峽有青溪赤溪綠蘿溪滄茫溪姜詩溪為峽之五溪必知別者由九江徑之三峽而入巫山也

### 送族弟綰從軍安西

漢家兵馬乘北風鼓行而西破犬戎爾隨漢將出門去  
剪虜若草收奇功君王按劔望邊邑旄頭已落胡天空  
匈奴繫頸數應盡明年應入蒲萄宮

齊賢曰漢元壽三年單于來朝舍之

上林苑  
蒲萄宮

送梁公昌從信安王北征

入幕推英選，捐書事遠戎。  
高談百戰術，鬱作萬夫雄。  
起舞蓮花劍，行歌明月宮。  
將飛天地陣，兵出塞垣通。  
祖席

留丹景，征麾拂彩虹。  
旋應獻凱入，麟閣佇深功。  
晉齊賢曰

古長劍首以玉作井鹿盧形上刻木作山形如蓮花初生未敷時虎韜武王問太公曰凡用兵為天陣地陣人

陣奈何太公曰日月星辰斗杓一左一右一向一背此為天陣丘陵水泉亦有前後左右之利此謂地陣用車

用馬用文用武此謂人陣古今註塞者所以壅塞夷狄風俗通云共工氏子好遠遊故祀以為祖神祖徂也古

今註麾所以指麾武王右秉白旌以麾是也丹景日也周官大司樂王師大獻則令奏愷樂大司馬師有功則

惟樂獻  
于社

送白利從金吾董將軍西征

長安

西羌延國討，白起佐軍威。  
劒決浮雲氣，弓彎明月輝。  
馬行邊草綠，旌卷曙霜飛。  
抗手凜相顧，寒風生鐵衣。

齊賢曰：漢

有東羌、西羌、西羌本出三苗，羌姓之別。其國近南岳，及舜流之三危河關之西南。羌地是也。史記：白起，郿人，善用兵，事秦昭王，為武安君。

送張秀才從軍

六駁食猛虎，恥從驚馬羣。  
一朝長鳴去，矯若龍行雲。  
壯

士懷遠略志存解世紛周粟猶不顧齊珪安肯分抱劔  
辭高堂將投霍冠軍長策掃河洛寧親歸汝墳當令千  
古後麟閣著奇勲

齊賢曰毛萇曰駁如馬鋸牙食虎豹史記武王平殷伯夷叔齊不食周粟

隱於首陽山師古曰冠軍言其在諸軍之上時祿山思明據洛陽汝墳箋云墳涯也

送崔度還吳度故人禮部員外輔國之子

幽燕沙雪地萬里盡黃雲朝吹歸秋鴈南飛日幾羣中  
有孤鳳雛哀鳴九天聞我乃重此烏綵章五色分胡為  
雜凡禽雞鶩輕賤君舉手捧爾足疾心若火焚拂羽淚

滿面送之吳江濱去影忽不見躊躇日將曛

齊賢曰唐幽州范陽

郡幽都縣武德元年為燕州東觀記鳳高八尺五彩士贊曰周禮水涯曰濱

送祝八之江東賦得浣紗石

陝西

西施越溪女明艷光雲海未入吳王宮殿時浣紗古石  
今猶在桃李新開映古查菖蒲猶短出平沙昔時紅粉  
照流水今日青苔覆落花君去西秦適東越碧山青江  
幾超忽若到天涯思故人浣紗石上窺明月

齊賢曰西施浣紗石

見前

送侯十一

梁宗

朱亥已擊晉侯嬴尚隱身時無魏公子豈貴抱關人余亦不火食遊梁同在陳空餘湛盧劍贈爾託交親

齊賢曰湛

盧劍閭閻所造

魯中送二從弟赴舉之西京

再至魯中

魯客向西笑君門若夢中霜凋逐臣髮日憶明光宮復羨二龍去才華冠世雄平衢騁高足逸翰凌長風舞袖拂秋月歌筵聞早鴻送君日千里良會何由同

齊賢曰三輔舊



事云桂宮內有明光殿爾雅四達謂之衛士贊曰後漢許劭字子將與兄虔並知名汝南人稱平與淵有二龍

奉餞高尊師如貴道士傳道錄畢歸北海

齊州

道隱不可見靈書藏洞天吾師四萬劫歷世遞相傳別

杖留青竹行歌躡紫煙離心無遠近長在玉京懸

齊賢曰神

仙傳壺公謂費長房曰我某日去卿能去乎曰欲親眷不知其去有何計公乃取一青竹杖與長房曰卿以竹杖歸家便可稱病以此竹杖置卧處默然便來房如公言去後家人見房死尸在床哭葬之及歸公又與竹杖曰但騎此得到家房騎竹杖辭去忽如睡覺已到家視之乃青龍也士贊曰老子云道隱無名道經有靈書二

十四事乃老君授青童大君者

金陵送張十一再遊東吳

金陵

張翰黃花句風流五百年誰人今繼作夫子世稱賢再  
動遊吳棹還浮入海船春光白門柳霞色赤城天去國  
難為別思歸各未旋空餘賈生淚相顧共悽然

齊賢曰  
張翰字

李鷹吳人詩曰青條若總翠  
黃花如散金白門赤城見前

送紀秀才遊越

海水不滿眼觀濤難稱心即知蓬萊石却是巨鰲簪送  
爾遊華頂令余發舄吟仙人居射的道士住山陰禹穴

尋溪入雲門隔嶺深綠蘿秋月夜相憶在鳴琴

齊賢曰孔靈符

會稽記射的山南有白鶴山此鶴為仙人取箭張晏曰禹巡狩至會稽而崩因葬焉上有孔穴民間云禹入此穴若耶溪雲門寺在越州會稽縣南齊何胤嘗遊焉

## 送長沙陳太守二首

長沙陳太守逸氣凌青松英主賜五馬本是天池龍湘水迴九曲衡山望五峯榮君按節去不及遠相從

齊賢曰漢

儀太守五馬周禮馬八尺以上為龍士贊曰銑曰青松喻真性也師古曰案節猶弭節也

## 其二

七郡長沙國南連湘水濱定王垂舞袖地窄不迴身莫

小二千石當安遠俗人洞庭鄉路遠遙羨錦衣春

齊賢曰唐

志潭州長沙郡衡州衡陽郡永州零陵郡道州江華郡

柳州桂陽郡

邵州邵陽郡

止六郡湘水見前

註漢書長

沙定王發母唐姬故程姬侍者景帝召程姬程姬有所

避不願進

而飾侍者

唐兒使夜進上醉不知

以為程姬

而幸之生于因名發以母微而無寵故王卑濕貧國應

劭曰景帝後二年

諸王來朝有詔更前

稱壽歌舞定王

但張袖小舉手左右笑其拙上怪問之對曰臣國小地

狹不足回旋帝乃以武陵零陵桂陽益焉

漢志秦郡守

秩二千石漢中二千石二千石皆皂蓋朱兩幡師古曰

中二千石實得二千石也中之為言滿也月得一百八

十斛是一歲凡得二千一百六十石言二千者舉成數也

送楊燕之東魯

關西楊伯起漢日舊稱賢四代三公族清風播人夫夫

子華陰居開門對玉蓮何事歷衡霍雲帆今始還齊賢曰楊

震字伯起號關西夫子延光二年為太尉震子秉延熹

五年代劉矩為太尉帝賜字伯獻熹平二年代唐珍為

司空後拜太尉子彪字文先光和六年代董卓為司空

其冬代黃琬為司徒彪傳云自震至彪四世太尉德業

相繼則五公當為三公今釐正之華山記山頂有池生

千葉蓮花服之羽化因名華山山有蓮花峯士贇曰衡

山記衡山南嶽也至黃君坐稍解顏為我歌此篇我固侯

帝乃以滿霍一山為副

門士謬登聖主筵一醉金華殿蹭蹬長江邊二子魯門

東別來已經年因君比中去不覺淚如泉

送蔡山人

我本不棄世世人自棄我一乘無倪舟八極縱遠拖燕  
客期躍馬唐生安敢譏採珠勿驚龍大道可暗歸故山

有松月遲爾翫清暉

齊賢曰史記蔡澤燕人從唐舉相唐舉熟視而笑曰先生昂鼻巨肩

魁顏蹙膝摩吾聞聖人不相殆先生乎蔡澤知唐舉戲之乃曰富貴吾所自有所不知者壽也舉曰先生之

壽從今以往者四十三歲澤笑謝而去謂御者曰吾持梁刺齒躍肥馬疾驅懷黃金之印結紫綬於腰揖讓入

主之前食肉富貴

四十三年足矣

送蕭三十一之魯中兼問稚子伯禽

六月南風吹白沙，吳牛喘月氣成霞。  
水國鬱蒸不可處，時炎道遠無行車。  
夫子如何涉江路，雲帆嫋嫋金陵去。  
高堂倚門望伯魚，魯中正是趨庭處。  
我家寄在沙丘傍，三年不歸空斷腸。  
君行既識伯禽子，應駕小車騎白羊。

齊賢曰：孔鯉字伯魚，論語他日又獨立，鯉趨而過庭。

送楊山人歸嵩山

我有萬古宅，嵩陽玉女峯。  
長留一片月，挂在東溪松。  
爾

去掇仙草菖蒲花紫茸

一作君行到此  
峯食霞駐袁容

歲晚或相訪青

天騎白龍

齊賢曰嵩山有玉女峯神仙傳漢武上嵩山  
登大愚石起道宮使董仲舒東方朔等齋潔

思神至夜忽見仙人帝禮而問之仙人曰吾九疑之神  
聞中岳石上菖蒲一寸九節可以服之長生故來采耳  
忽失神人所在帝顧侍臣曰彼非學道服食者必中岳  
之神以喻朕耳為之采菖蒲服之其時從官多服然莫  
能持久唯興乃採服  
之不息遂得長生

送殷淑三首

海水不可解連江夜為潮俄然浦嶼闊岸去酒船遙惜

別耐取醉鳴榔且長謠天明爾當去應便有風飄

齊賢曰榔



漁人所  
擊板也

其二

白鷺洲前月天明送客迴青龍山後日早出海雲來流  
水無情去征帆逐吹開相看不忍別更進手中杯齊賢曰史

正志碑秦淮與外  
江夾一洲曰白鷺

其三

痛飲龍筇下燈青月復寒醉歌驚白鷺半夜起沙灘

送岑徵君歸鳴臯山

岑公相門子雅望歸安石奕世皆夔龍中台竟三折至

人達機兆高揖九州伯奈何天地間而作隱淪客貴道

能全真潛輝卧幽鄰探元入窅默觀化游無垠

齊賢曰孟嘗君

曰將門必有將相門必有相晉謝安字安石少有重名奕世累世也桓譚新論曰天下神人五一曰神仙二曰

隱淪光武有天下嚴陵為故人雖登洛陽殿不屈巢由身

余亦謝明主今稱偃蹇臣登高覺萬古思與廣成鄰蹈

海寧受賞還山非問津西來一搖扇共拂元規塵

齊賢曰王

導傳庾亮據上流擁強兵導力不能平嘗遇西風塵起舉扇自蔽徐曰元規塵汚人

送范山人歸太山

魯客抱白鶴

一作雞

別余往泰山初行若片雲

一作雪

杳在

青崖間高高至天門日觀

一作海

近可攀雲山望不及此

去何時還

士贇曰泰山記泰山盤道屈曲而上凡五十餘盤經小天門大天門西岩為仙人石門東

岩為介丘東  
南岩名日觀

李太白集分類補註卷十七

李太白集分類補註卷十八

宋 楊齊賢 集註

元 蕭士贇 補註

送

送韓侍御之廣德

昔日繡衣何足榮  
今宵貫酒與君傾  
暫就東山賒月色

酣歌一夜送泉明

士贇曰繡衣貫酒東山事見前

白雲歌送友人

楚山秦山多白雲  
白雲處處長隨君  
君今還入楚山裏  
雲亦隨君渡湘水  
水上女蘿衣白雲  
早卧早行君早起  
士贇曰此詩已見六卷  
特首尾不同故兩存之

送通禪師還南陵隱靜寺

我聞隱靜寺山水多奇蹤  
巖種朗公橋門深杯渡松道  
人制猛虎振錫還孤峯  
他日南陵下相期谷口逢

齊賢曰傳

燈錄婺州有本陳從朗禪師劉宋時杯渡者不知姓名  
常乘木杯渡水惠忠禪師居禪祚寺有供僧殺兩麋盜

若窺虎而守之縣令張遜至山頂謁問師有何徒弟師曰有三五人遜曰如何得見師敲禪床有三虎哮吼而出遜驚怖而退永嘉真覺禪師初至曹溪參六祖遠繩床三匝振錫而立唐南陵縣隸宣州士贇曰冥祥記沙門康法朗晉永嘉中人也

### 送友人

青山橫北郭白水遶東城此地一為別孤蓬萬里征浮雲遊子意落日故人情揮手自茲去蕭蕭班馬鳴士贇曰孤

蓬草也無根而隨風飄轉者自喻客遊也

### 送別

斗酒渭城邊，壚頭醉不眠。梨花千樹雪，楊葉萬條烟。惜

別傾壺醑，臨分贈馬鞭。看君潁上去，新月到應圓。

齊賢曰唐

潁上縣隸潁州汝陰郡

### 江上送女道士褚三清遊南嶽

吳江女道士，頭戴蓮花巾。霓衣不濕雨，特異陽臺雲。足下遠遊履，凌波生素塵。倦尋向南嶽，應見魏夫人。

齊賢曰太

宵經曰：人行大道，謂之道士。周穆王因尹軌制，棲觀遂召幽逸之人爲道士。集仙錄：魏夫人者，任城人，晉魏舒女，名華，存字賢安，好道。適南陽劉文宇，幼彥生二子，曰璞、曰遜。二子粗立，乃齋于別寢，將逾三月，太極真人等



來降授神真之道在世八十三年以晉成帝咸和九年  
清虛真人玉褒與陳華青童與夫人成藥兩劑服之白  
日上昇領上真司命南嶽夫人比  
秩仙公使治天台大霍仙洞臺中

### 送友人入蜀

見說蠶叢路崎嶇不易行山從人面起雲傍馬頭生芳

樹籠秦棧春流遶蜀城升沉應已定不必問君平

士資  
曰蠶

叢棧道又嚴君平賣  
卜於成都市並見前

### 送趙雲卿

白玉一杯酒綠楊三月時春風餘幾日兩鬢各成絲東

燭唯須飲投竿也未遲如逢渭川獵猶可帝王師

士贊  
日西

伯出獵得呂尚於渭川  
迎以爲師事見前卷

### 送李青歸南華陽川

伯陽仙家子容色如青春日月秘靈洞雲霞辭世人化

心養精魄隱几窅天真莫作千年別歸來城郭新

齊賢  
曰神

仙傳老子名耳字伯陽楚國苦縣曲仁里人其母感大  
流星而有娠雖受氣天然見於李家猶以李爲姓內經  
云老子黃白色美眉廣頰長耳大目疎齒方口厚脣額  
有三五達理日角月懸鼻純骨雙柱耳有三漏門足陷  
二五手指十文以周文王時爲守藏史武  
王時爲柱下史時俗見其久壽故號老子

送舍弟

吾家白額

一作馬

駒遠別臨東道他日相思一夢君應得

池塘生春草

士贇曰吾家白額駒是用涼武昭王事也按晉書武昭王焉字玄盛姓李氏前漢將

軍李廣之十六世孫玄盛少好學長習武藝與呂光太史令郭騰及其同母弟宗繇同宿騰起謂繇曰君當位極人臣李君有國士之分家有駒草馬生白額駒此其時也呂光末京兆毀業自稱涼州牧署玄盛效穀令會燉煌太守孟敏卒於是護軍郭謙等以玄盛溫毅有惠政推爲燉煌太守玄盛初難之會宋繇仕於鄴告歸燉煌言於玄盛曰兄忘郭騰之言耶白額駒今生矣玄盛乃從之自是霸有秦涼遷都酒泉及薨國人上謚曰武昭王至唐朝尊上謚號曰興聖皇帝此言吾家白馬駒者亦謂同所自出云爾亦老杜詩龍準自與常人殊之意也

送別得書字

水色南天遠舟行若在虛遷人發佳興吾子訪閒居日

落看歸鳥潭澄羨

一作憐

躍魚聖朝思賈誼應降紫泥書

齊賢曰賈誼在長沙歲餘微見隴右記階州武都郡紫水有泥其色赤紫用封璽書

送趙十少府

試發清秋興因為吳會吟碧雲歛海色流水折江心我

有延陵劍君無陸賈金艱難此為別惆悵一何深

齊賢曰孝

惠時呂后用事陸賈自度不能爭乃病免有五男出使越橐中裝賣千金分其子各二百金令為生產延陵季

子掛劍徐君墓事見前

送張秀才謁高中丞

并序  
尋陽

余時繫尋陽獄中正讀留侯傳秀才張孟熊蘊滅  
胡之策將之廣陵謁高中丞余喜子房之風感激  
於斯人因作是詩以送之

秦帝淪玉鏡

一作六雄  
滅金虎

留侯降氛氲感激黃石老經過

滄海君壯士揮金槌報讎六國聞智勇冠終古蕭陳難

與羣

齊賢曰雄書曰秦失金鏡喻明道也漢張良傳秦滅韓良遂以家財求刺客刺秦王爲韓報仇東見滄

海君得力士爲鉄鉗重百二十斤徂擊秦皇帝博浪沙中誤中副車秦皇大怒大索天下求賊甚急良乃逃匿下邳嘗縱步遊下邳圯上有一老父衣褐至良所直墮其履圯下曰孺子下取履良愕然下取履因長跪進之父以足受笑曰孺子可教後五日平明與我會此出一編書曰讀此則爲王者師後十年陳涉起沛公畧地至下邳而張良遂屬焉士贊曰蕭陳謂蕭何陳平也

兩龍爭鬪時天地動風雲酒

酣縱一作橫舞長劍倉卒解漢紛宇宙初倒懸鴻溝勢將分

英謀信奇絕夫子揚清芬

一作夫子稱卓絕超然繼清芬胡月入紫微

三光亂天文高公鎮淮海談笑却妖氛採爾幕中畫戡難光殊勲我無燕霜感玉石俱燒焚但洒一行淚臨岐

竟何云

齊賢曰兩龍謂漢高項羽也史記項王乃與漢約中分天下割鴻溝以西爲漢東爲楚胡祿山

也祿山死日太白食月甘氏星經紫微宮大帝坐天子常居日月星爲三光鄒衍盡忠於燕燕王疎之初仰天而嘆六月爲之降霜尚書火炎崑岡玉石俱焚士贇曰應劭曰不醒不醉曰酣

尋陽送弟昌峒鄱陽司馬作

桑落洲渚連滄江無雲烟尋陽非剡水忽見子猷船飄然欲相近來遲杳若仙人乘海上月帆落湖中天一覩無二諾朝歡更勝昨爾則吾惠連吾非爾康樂朱紱白銀章上官佐鄱陽松門拂中道石鏡迴清光搖扇及干

越水亭風氣涼與爾期此亭期在秋月滿時過或未來

兩鄉心已斷吳山對楚岸彭蠡當中州相思定如此有

窮盡年愁

齊賢曰杜佑云彭澤地今爲都昌有桑落洲九域志隸江州尋陽郡王子猷雪夜訪戴安

道於剡中見前謝惠連靈運族弟靈運襲封康樂公禮大夫絨色皆黃朱其體前方後挫角其繪山漢儀銀印在龜紐其文曰章謂刻曰某官之章司馬郡之佐也顧野王輿地志自入湖三百三十里窮於松門東西四十里青松徧於兩峯張僧鑒尋陽記石鏡山東有一圓石懸崖明淨照人見形韋昭曰越邑今鄞陽餘干縣是也

餞校書叔雲

少年費白日歌笑矜朱顏不知忽已老喜見春風還惜



別且爲歡徘徊桃李間看花飲美酒聽鳥臨晴山向晚  
竹林寂無人空閉關

送王孝廉覲省

廬江

彭蠡將天合姑蘇在日邊寧親候海色欲動孝廉船窈  
窕晴江轉參差遠岫連相思無晝夜東注似長川

齊賢曰姑

蘇臺隸吳郡以其近東海日出之地故云日邊劉恢爲  
丹陽尹張憑詣恢恢留宿明日還船須臾恢出求張孝  
廉船召同載  
時人榮之

同吳王送杜秀芝舉入京

秀才何翩翩王許回也賢整別廬江守將遊京北天秋

山宜落日秀木出寒煙欲折一枝桂還來鴈沼前

齊賢曰唐

吳王祗玄宗時爲陳留太守持節河南道節度採訪使子徽嗣王論語賢哉回也廬州廬江郡京北府京北郡士贊曰左雄傳論曰漢舉賢良方正州郡舉孝廉秀才亦貢士之方也

洞庭醉後送絳州呂使君果流澧州

江夏

昔別若夢中天涯忽相逢洞庭破秋月縱酒開愁容贈  
劍刻玉字延平兩蛟龍送君不盡意書及鴈迴峯

士贊曰劍

至延平津躍水化龍及迴鴈峯事見前

與諸公送陳郎將歸衡陽

并序

仲尼旅人文王明夷苟非其時聖賢低眉況僕之不肖者而遷逐枯槁固非其宜朝心不開暮髮盡白而登高送遠使人增愁陳郎將義風凜然英思逸發來下曹城之榻去邀才子之詩動清興於中流泛素波而徑去諸公仰望不及連章祖之序慙起予輒冠名賢之首作者嗤我乃為撫掌之資乎衡山蒼蒼入紫冥下看南極老人星迴飈吹散五峯雪

往往飛花落洞庭氣清嶽秀有如此郎將一家拖金紫  
門前食客亂浮雲世人皆比孟嘗君江上送行無白壁  
臨歧惆悵若為分齊賢曰甘氏星經老人一星在弧南  
爲南極星主壽常以秋分日見去參  
三丈出丙入丁丑時候之出三十日却沒見斯大赦天  
下安王者壽五峯謂祝融紫蓋天柱石廩芙蓉峯也

送趙判官赴黔府中丞叔幕

廓落青雲心結交黃金盡富貴翻相忘令人忽自哂  
踏  
蹬鬢毛斑盛時難再還巨源吐石生何事馬蹄間綠蘿  
長不厭却欲還東山齊賢曰裴幣金盡事見前踏蹬失  
勢貌山濤字巨源辟河南從事與

石鑒共宿清夜起蹴鑒曰今何等時而眠耶知太傅即  
何意鑒曰宰相不朝斥令歸第即何慮也清曰咄石生  
無事焉歸間耶投簪而去未二年  
果有曹爽事東山會稽始寧也 君爲魯曾子拜揖高

堂裏叔繼趙平原偏承明主恩風霜推獨坐旌節鎮雄

藩虎士秉金鉞蛾眉開玉樽才高幕下去義重林中言

水宿五溪月霜啼三峽猿東風春草綠江上候歸軒齊賢

曰史記曾參武城人字子輿孔子以爲能通孝  
道故授之業作孝經唐制節度使賜雙旌雙節

### 送陸判官往琵琶峽

水國秋風夜殊非遠別時長安如夢裏何日是歸期

送梁四歸東平

玉壺挈美酒送別強為歡  
大火南星月長郊北路難  
殷

王期負鼎汶水起垂竿  
莫學東山卧參差老謝安  
齊賢曰堯

典曰日永星火以正仲夏伊尹以滋味說湯呂尚以漁釣于西伯漢志太山郡汶水出萊州西南入濟

江夏送友人

雪點翠雲裘送君黃鶴樓  
黃鶴振玉羽西飛帝王州  
鳳無琅玕實何以贈遠遊  
徘徊相顧影淚下漢江流

送郝昂謫巴中

瑤草寒不死移植滄江濱東風灑雨露會入天地春予  
若洞庭葉隨波送逐臣思歸未可得書此謝情人

江夏送張丞

欲別心不忍臨行情更親酒傾無限日客醉幾重春藉  
草依流水攀花贈遠人送君從此去回首泣迷津

賦得白鷺鷥送宋少府入三峽

白鷺拳一足月明秋水寒人鷺飛遠去直向使君灘  
送二季之江東

初發強中作題詩與惠連多慙一日長不及二龍賢西  
塞當中路南風欲進船雲峯出遠海帆影挂清川禹穴  
藏書地匡山種杏田此行俱有適遲爾早歸旋

齊賢曰謝靈運

有登臨海嶠初發強中作與從弟惠連西塞山在鄂州廬山記匡續結廬於山故號匡廬山董奉居廬山治疾病重者種杏五株輕者一株號曰董仙杏林遲猶思也

江西送友人之羅浮

南昌

桂水分五嶺衡山朝九疑鄉關渺安西流浪將何之素  
色愁明湖秋渚晦寒姿疇昔紫芳意已過黃髮期

齊賢曰廣



州記云大庾始安臨賀桂陽揭陽是五嶺衡山一名岫  
嶠山宿當軫翼應機衝故曰衡山九疑見前唐安西大  
都護府初治西州後徙治高昌故地又徙治龜茲而  
故府復爲西州交河郡士贇曰李善曰紫芳紫芝也君

王縱疎散雲壑借巢夷爾去之羅浮我還憩峨眉中闊

道萬里霞月遙相思如尋楚狂子瓊樹有芳枝

齊賢曰  
太白供

奉翰林道不合辭去詔賜  
金還山羅浮峨眉並見前

宣州謝朓樓餞別校書叔雲

一作陪侍御  
叔華登樓歌

棄我去者昨日之日不可留亂我心者今日之日多煩

憂長風萬里送秋鴈對此可以酣高樓蓬萊文章建安

骨中間小謝又清發俱懷逸興壯思飛欲上青天覽日  
月抽刀斷水水更流舉杯銷愁愁復愁人生一作男兒在世  
不稱意明朝散髮弄扁舟齊賢曰蓬萊指校書也建安末鄴中有魏太子王粲陳琳  
徐幹劉楨應瑒阮瑀平原侯植等詩文皆入文選故曰建安骨也謝靈運子鳳字超宗作殷叔儀誄帝大嗟賞  
曰超宗殊有鳳毛族弟惠連十歲能屬文靈運嘉賞之云每有篇章對惠連輒得佳語謝朓字玄暉綽之子少  
學有美名善草隸長五言詩沈約書云二百年來無此詩也

宣城送劉副使入秦

君即劉越石雄豪冠當時淒清橫吹曲慷慨扶風詞虎

嘯侯騰躍雞鳴遭亂離千金市駿馬萬里逐王師結交

樓煩將侍從羽林兒統兵捍吳越豺虎不敢窺大勲竟

莫叙已過秋風吹

齊賢曰晉劉琨字越石少與范陽祖約俱以雄豪著名元嘉元年為并州

刺史在晉陽嘗為胡騎所圍數重城中窘迫無計琨乃乘月登樓清嘯賊聞之皆悽然長嘆中夜奏胡笳向曉

復吹之賊棄圍而走祖逖與劉琨聞難起舞及郭隗謂燕昭王以千金求千里馬事見前漢有善射者樓煩楚

挑戰三合樓煩戰射殺之應劭曰樓煩胡也漢武帝太初元年初置建章營騎後更名羽林騎又取從軍死事

之子孫養羽林官教以五兵號曰羽林孤兒士贊曰劉越石扶風歌曰去家日已遠安知存與亡慷慨窮林中

抱膝自

秉鉞有季公凜然負英姿寄深且戎幕望重必

台司感激一然諾縱橫兩無疑伏奏歸北闕鳴騶忽西

馳列將咸出祖英寮惜分離斗酒滿四筵歌嘯宛溪湄

君携東山妓我詠北門詩貴賤交不易恐傷中園葵賢齊

曰戎幕將幕也台司三公也蕭何立東闕北闕崔實四民月令曰祖道神也黃帝之子好遠遊死於道路故祀

以為道神以求道路之福宛漢隸宣州毛詩北門刺仕不得志也言衛之忠臣不得其志爾古詩採葵莫傷根

結交莫羞貧傷根葵昔贈紫騮駒今傾白玉卮同歡萬

不生羞貧交不成

斛酒未足解相思此別又千里一作此外秦吳渺天涯

月明關山苦水劇隴頭悲借問幾時還春風入黃池無

令長相思折斷綠楊枝

士贇曰隴頭水見一卷註

涇川送族弟錡

涇川三百里若耶羞見之  
錦石照碧山兩邊白鷺驚  
佳境千萬曲客行無歇時  
上有琴高水下有陵陽祠  
仙人

不見我明月空相知  
問我何事來盧敖結幽期

齊賢曰涇縣若

耶琴高陵陽竇子明得仙及盧敖事並見前

蓬山振雄筆繡服揮清詞  
江湖

發秀色草木含榮滋  
置酒送惠連吾家稱白眉  
愧無海

嶠作敢關河梁詩見爾復幾朝  
俄然告將離

齊賢曰白眉及海嶠見

前李陵與蘇武詩携手上河梁遊子暮何之徘徊蹊路側悵恨不得辭士贇曰後漢竇章少好學有文章是時學者稱東觀爲老氏藏室道家蓬萊山太僕鄧康遂薦章入東觀爲校書郎中流漾綵鷁列

岸叢金羈歎息蒼梧鳳分棲瓊樹枝清晨各飛去飄落天南垂望極落日盡秋深暝猿悲寄情與流水但有長相

思齊賢曰鷁水鳥畫船頭爲鷁形垂邊也

五松山送殷淑

秀色發江左風流奈若何仲文了不還獨立揚清波載酒五松山頽然白雲歌中天度落日萬里遙相過撫酒

借此月流光畏蹉跎明日別離去連峯鬱嵯峨

齊賢曰  
殷仲文

少有才藻美容貌謝靈運嘗曰殷仲文讀書半  
袁豹則文才不減班固五松山在宣州南陵

### 送崔氏昆季之金陵

放一作吳

歌倚東樓行子期曉發秋風渡江來吹落山上

月主人出美酒滅燭延清光二崔向金陵安得不盡觴

水客弄歸棹雲帆卷輕霜扁舟敬亭下五兩先飄揚峽

石入水花碧流日更長思君無歲月西笑阻河梁

齊賢曰金

陵敬亭並見前兵書曰凡候風法雞羽重八兩建五丈旗取  
羽繫其顛立軍營中許慎淮南子註曰楚人謂之五兩

登黃山凌歊臺送族弟溧陽尉濟充泛舟赴華

陰當塗

鸞乃鳳之族翱翔紫雲霓文章輝五色雙在瓊樹栖一

朝各飛去鳳與鸞俱啼炎赫五月中朱曦爍河堤爾從

泛舟役使我心冤悽

齊賢曰山海經女床之上有鳥狀如翟五彩畢備聲似雉而尾長名

為鸞瑞應圖鸞者鳳凰之佐

秦地無草木南雲喧鼓鼙君王減玉膳

早起思鳴雞漕引救關輔疲人免塗泥宰相作霖雨農

夫得耕犂靜者伏草間羣才滿金閨空手無壯士窮居



使人低

齊賢曰唐裴耀卿傳開元二十一年秋兩害稼  
京師饑帝將幸東都召問所以救人者耀卿曰

陛下既東巡百司畢從則太倉三輔可遣重臣分道賑  
給自東都益廣漕運以實關輔關輔既實則乘與西還  
事幾不濟且國家大本在京師但秦地狹水旱易匱貞  
觀永徽時祿原者少歲漕粟二十萬石今用度寔廣漕  
運數倍且不支臣願廣陝運道使京師常有三年食雖  
水旱不足憂天子然之拜黃門侍郎同中書門下平章  
事充轉運使於是置河陰集津三門倉引天下租由孟  
津汴河而西三年積七百萬石省運費三十萬緡金閭  
金馬門也

送君登黃山長嘯倚

一作上

天梯小舟若鳬鴈大舟

若鯨鯢開帆散長風舒卷與雲齊日入牛渚晦蒼然夕

煙迷相思在何許

一作所

杳在洛陽西

齊賢曰太白時在  
當途即今之太平

也黃山在城北

凌歊臺在其上

送儲邕之武昌

黃鶴西樓月長江萬里情春風三十度空憶武昌城送  
爾難為別銜杯惜未傾湖連張樂地山逐泛舟行諾謂  
楚人重詩傳謝朓清滄浪吾有曲寄入棹歌聲

齊賢曰黃鶴樓

見前孫權破闕羽自公安徙都鄂改名武昌今鄂州之東百二十里武昌縣即權故宮與黃州相對

李太白集分類補註卷十八

謹案卷十六第二頁前一行美其愛文好古刊本  
其訛而據全唐詩改

第二頁前四行遂有此詩刊本脫遂字據全唐詩  
及繆曰芑本增

第二頁後七行今楚軍南陽刊本脫陽字據史記  
魯仲連傳正義增

第二頁後八行有似梟鳴刊本梟鳴訛是者據史  
記魯仲連傳正義改

第三頁前二行樟亭望潮還刊本樟亭訛作章臺  
據全唐詩及繆曰芑本改

第三頁後一行羲之造之相與為世外交刊本脫  
造之下八字據晉書許邁傳增

第四頁前四行寧懼惡溪惡刊本寧訛事據全唐  
詩改

第五頁前四行仙臺應有期刊本期訛難據文苑  
英華及全唐詩改

第六頁後二行自江南寄梅花一枝詣長安刊本  
江訛至詣訛寄又與暄詩曰刊本暄訛復據類  
書引荊州記改

第六頁後三行折梅逢驛使刊本折訛新又江南  
無所有刊本訛作自遠迴所有並據類書所引  
荊州記改

第七頁前五行謝承後漢書刊本脫謝承後三字  
據藝文類聚增

第八頁後一行視見垣一方人刊本見垣訛垣見  
據史記扁鵲列傳改

第十二頁前五行惠帝元年刊本元訛子據漢書  
改

第十四頁後四行不為兵將刊本兵將訛將兵據  
戰國策改

第十四頁後六行又何至此刊本又訛則據戰國  
策改

卷十七第一頁後七行子夏傳云五匹為束三玄  
二纁象陰陽案儀禮喪服子夏傳無此文考三  
玄二纁本禮記雜記文鄭康成注聘禮用之與  
此俱小異未知此所引何書姑仍其舊

第二頁後八行高亢犇直之貌刊本犇訛犄今改  
第七頁前六行昨夢江花照江日刊本日訛國據全  
唐詩及繆白芑本改

第七頁後七行晉書載記刊本脫書載二字據晉

書增

第九頁後八行王師大獻則令奏愷樂刊本師訛  
軍令奏訛鼓其樂字下衍愷歌二字又大司馬  
下行老字據周禮改刪

第十三頁後六行但張袖小舉手刊本袖訛腰據  
漢書注改

第十四頁後七行澤笑謝而去刊本謝訛談據史  
記蔡澤傳改



第十五頁後二行漢武上嵩山刊本脫上字據神  
仙傳增

第十五頁後五行唯興乃採服之不息刊本興訛  
帝據神仙傳改

卷十八第三頁後七行美眉廣顙刊本眉訛顙  
訛面並據神仙傳改

第四頁前三行晉書刊本書訛史今改

第四頁前六行燉煌太守孟敏刊本敏訛明據晉

書載記改

第五頁前八行秦失金鏡刊本秦訛余案此所引  
雖書未知何本檢北堂書鈔有此語今據改

第十頁前七行白鷺拳一足刊本脫此詩及下送  
二季之江東題今據全唐詩及繆曰芑本增


第十二頁後六行傷根葵不生刊本傷訛採據古  
詩紀改

第十三頁後二行遂薦章入東觀為校書郎刊本

觀訛宮據後漢書竇章傳改

第十五頁前二行則太倉三輔案舊唐書作太倉  
及三輔先所貯積此刪節過多義反不了因新  
書各本如是姑仍之





總校官候補中書臣吳紹潔

校對官中書臣王家賓

謄錄監生臣楊景猷

謄錄監生臣陳炳

欽定四庫全書薈要

集部

李太白集分類補註卷十九

二十九

詳校官助教臣常楮



李太白集分類補註卷十九

宋 楊齊賢 集註

元 蕭士贇 補註

  
訓答

訓談少府 裏漢

一尉居倏忽梅生有仙骨三事或可羞匈奴晒千秋壯  
心屈黃綬浪跡寄滄洲昨觀荆峴作如從雲漢遊老夫

當暮矣蹠足懼驂駒

齊賢曰漢書東南一尉西北一侯梅福補南昌尉得仙事見前毛詩

三事大夫注謂三公漢田千秋為高寢郎衛太子為江充所譖敗久之千秋訟太子寃上大感悟立拜為大鴻臚數月代劉屈氂為丞相後漢使至匈奴單于問曰聞漢新拜丞相何用得之使者曰以上書言事故單于曰苟如是漢置丞相非用賢也

訓字文少府見贈桃竹書筒

桃竹書筒綺繡文良工巧妙稱絕羣  
靈心圓映三江月彩質疊成五色雲  
中藏寶訣峨眉去千里提攜長憶君

五月東魯行荅汶上君

魯中



五月梅始一作子黃蠶凋桑柘空魯人重織作機杼鳴簾

櫳顧余不及仕學劍來山東舉鞭訪前途獲笑汶上翁

下愚忽壯士未足論窮通齊賢曰漢志泰山郡汶水出萊蕪西入濟我以一

箭書能取聊城功終然不受賞羞與時人同西歸去直

道落日昏陰虹此一作我去爾勿言甘心如轉蓬齊賢曰史記齊

田單攻聊城歲餘不下魯仲連乃為書約之矢以射城中

遺燕將燕將見書泣三日乃自殺聊城亂田單遂屠聊城

歸而言仲連欲爵之魯仲連逃隱於海上曰吾與富貴  
而訟於人寧貧賤而輕世肆志焉白意指林甫國忠輩  
昏蔽其君

早秋單父南樓酬竇公衡

白露見日滅，紅顏隨霜凋。  
別君若俯仰，春芳辭秋條。  
泰山嵯峨夏雲在，疑是白波漲東海。  
散爲飛雨川上來，遙帷却卷清浮埃。  
知君獨坐青軒下，此時結念同所懷。  
我閉南樓看道書，幽簾清寂在仙居。  
曾無好事來相訪，賴爾高文一起予。

山中問答

問余何意

一作事

栖碧山笑而不答，心自

閒。花流水香

然去別有天地非人間

齊賢曰蜀志人問諸葛亮志亮抱膝笑而不答

答友人贈烏紗帽

領得烏紗帽全勝白接羅山人不照鏡稚子道相宜

士贊

曰稚子接

羅見前

訓張司馬贈墨

吳中

上黨碧松煙夷陵丹砂末蘭麝凝珍墨精光乃堪掇黃頭奴子雙鴉鬟錦囊養之懷袖間今日贈余蘭亭去興

來灑筆會稽山

齊賢曰唐路州上黨郡上貢墨峽州夷陵郡掇拾也錦囊事見前越州會稽郡

山陰縣有蘭渚渚有  
亭王羲之被襖處

答湖州迦葉司馬問白是何人

青蓮居士謫仙人酒肆藏名三十春湖州司馬何須問

金粟如來是後身

齊賢曰青蓮居士太白自號也

答長安崔少府叔封遊終南翠微寺太宗皇帝

金沙泉見寄

長安

河伯見海若傲然誇秋水小物昧遠圖寧知通方士多

君紫霄意獨往蒼山裏地古寒雲深巖高長風起

齊賢曰莊

子秋水時至百川灌河涇流之大兩涘渚崖之間不辨  
牛馬於是河伯欣然自喜以天下之美爲盡在已順流  
而東行至於北海東面而視不見水端於是河伯始旋  
其面曰望洋向若而嘆曰野語有之曰聞道百以爲莫  
已若者我之謂也吾長見笑於大方之家北海若曰井  
蛙不可以語於海者拘於虛也夏蟲不可以語於水者  
篤於時也曲士不可以語於道者束於教  
也今爾出於崖涘觀於大海乃知爾醜  
初登翠微嶺

復憩金沙泉踐苔朝霜滑弄波夕月圓飲彼石下流結

蘿宿溪煙鼎湖夢淥水龍駕空

一作何

茫然早行子午關

一作間却登山路遠

一作却嘆山路遠又作頗識間路遠

拂琴聽霜猿滅

燭乃星飯人煙無明異鳥道絕往還

齊賢曰貞觀十二年終南大和宮改

爲翠微宮金沙泉近寺之泉也鼎湖夢指太宗也事見  
三卷漢書王莽開子午道因置子午關士贊曰長安志  
翠微宮在萬年縣終南山上攀崖倒青天下視白日晚旣過遇一作石

門隱還唱

一作聞

石潭歌涉雪蹇紫芳

一作採紫莖

濯纓想一作

掬清波此人不可見此地君自過爲余謝風泉其如幽

意何

齊賢曰石門在魯王逸注楚詞蹇採取也士贊曰紫芳紫蘭也

贈李十二

左司郎中崔宗之

涼秋八九月白露空園亭耿耿意不暢稍稍

一作悄悄

風葉

聲思見雄俊士共話今古情李侯忽來儀把袂苦不早

清論既抵掌玄談又絕倒分明楚漢事歷歷王霸道

齊賢曰稍所交切士贊曰記月令立秋日涼風至又五日白露降周雅稍稍摧也郭璞曰謂木無枝柯稍稍長而擔囊無俗物訪古千里餘袖有七首劒懷中

茂陵書雙眸光照人詞賦凌子虛酌酒絃素琴霜氣

正凝潔平生心中事今日為君說我家有別業寄在

嵩之陽明月出高岑清溪澄素光雲散牕戶靜風吹

松桂香子若同斯遊千載不相忘

齊賢曰有底曰囊無底曰索司馬相

如既病免家居茂陵天子曰相如病甚可往從悉取其書使所忠往而相如已死妻曰長卿未嘗有書時時著

書人又取去長卿未死時為一卷書曰有使來求書奏之  
其遺札書言封禪事初上讀子虛賦而善之曰朕獨不與  
此人同時哉楊得意曰臣邑人司馬相如自言為此賦上  
驚乃召問相如相如曰有之唐河南府登封縣本嵩陽

### 酬崔五郎中

朔雲橫高天萬里起秋色壯士心飛揚落日空嘆息長  
嘯出原野凜然寒風生幸遭聖明時功業猶未成奈何

懷良圖鬱悵獨愁坐杖策尋英豪立談乃知我

齊賢曰  
鄧禹聞

光武安集河北即杖策  
北渡士贊曰鬱悵憂也崔公生民秀緬邈青雲姿制作

參造化託諷含神祇海嶽尚可傾吐諾終不移是時霜



飈寒逸興臨華池起舞拂長劍四座皆揚眉因得窮歡  
情贈我以新詩又結汗漫期九垓遠相待舉身憩蓬壺  
濯足弄滄海從此凌倒景一去無時還朝遊明光宮暮  
入闔闔關但得長把袂何必高丘山

齊賢曰蓬壺蓬萊方壺也漢武帝起

明光宮師古曰三輔黃圖云在城中淮南子注云閭闔始升天之門上帝所居紫微宮門也

### 以詩代書答元丹丘

青鳥

一作鳥

海上來今朝發何處口銜雲錦字

一作書

與我

忽飛去鳥去凌紫煙書留綺牕前開緘方時

一作

一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不暫閒長望

一作歎

杳難見浮

雲橫遠山

齊賢曰後漢書梁冀弟舍牕牖皆有綺疏

金門答蘇秀才

君還石門日朱火始改木春草如有情山中尚含綠折

芳愧遙憶永路當自勗遠見故人心平生以此足

齊賢曰語

鑽燧改火

巨海納百川麟閣多才賢獻書入金闕酌醴奉瓊

筵屢忝白雲唱恭聞黃竹篇恩光照拙薄雲漢希騰遷

銘鼎儻云遂扁舟方渺然

齊賢曰漢宮室疏蕭何造麒麟閣以藏祕書處賢才列子穆王

賓于西王母觴于瑤池之上王母爲王謠詩名白雲穆天子傳曰天子休于回中大寒北風雨雪天子作詩三章以哀人夫我徂黃竹貢口閔寒乃宿於黃竹祭統曰鼎有銘銘者自名也自名以稱揚先祖之美而明著之後世者也扁舟言成功名遂身退如范蠡扁舟泛五湖也我留在金門君去卧丹壑

未果三山期遙欣一丘樂玄珠寄象固赤水非寥廓願

狎東海鷗共營西山藥栖巖君寂滅處士余龍蠖良辰

不同賞永日應閒居烏吟簷間樹花落牕下書緣溪見綠

篠隔岫窺紅蕖

齊賢曰莊子黃帝遊乎赤水之北還歸遺其玄珠使知索之而不得使離朱索

之而不得使契詬索之而不得乃使象罔象罔得之列  
子海上之人有好鷗鳥者每旦之海上從鷗鳥遊鷗鳥  
之至百住  
而不止  
採薇行笑歌眷我情何已月出石鏡間松鳴

風琴裏得心自虛妙外物空顏靡身世如兩忘從君老

煙水

齊賢曰史記伯夷叔齊隱于首陽山作歌曰登彼西山兮採其薇矣石鏡見前

訓坊州王司馬與閻正字對雪見贈

陝右

遊子東南來自宛適京國飄然無心雲倏忽復西北訪

戴昔未偶尋嵇此相得愁顏發新歡終宴叙前識

齊賢曰王

子猷雪夜訪戴安道事見前晉書嵇康會稽上虞閻公  
人東平呂安服康高致每一相思輒千里命駕

漢庭舊沉鬱富才力價重銅龍樓聲高重門側寧期此  
相遇華館陪遊息積雪明遠峯寒城鎖春色主人蒼生  
望假我青雲翼風水如見資投竿佐皇極

齊賢曰史記  
上召田叔與

語漢庭臣無能出其右者  
前漢太子宫有銅龍樓

訓中都小吏携斗酒雙魚於逆旅見贈

齊魯

魯酒若琥珀

一作琥  
珀色

汶魚紫錦鱗山東豪更有俊氣手

攜一作持

此物贈遠人意氣相傾兩相顧斗酒雙魚表情

素雙鯉呀呷鰭鬣張蹊刺銀盤欲飛去呼兒拂几霜刃

揮紅肥花落白雪霏爲君下筋一餐飽一作罷醉著金鞍

上馬歸

齊賢曰琥珀注松脂入地千年爲茯苓茯苓千年爲琥珀汶水出泰山萊蕪縣

訓張卿夜宿南陵見贈

月出魯城東明如天上雪魯女驚莎雞鳴機應秋節當

君相思夜火落金風高河漢掛戶牖欲濟無輕舠齊賢曰火

落大火西流也舠小船也士贇曰梁元帝纂要曰秋曰高秋風曰金風我昔辭林丘雲龍

忽相見客星動太微朝去洛陽殿爾來得茂彥七葉仕  
漢餘身爲下邳客家有圯橋書傳說未夢時終當起巖

野萬古騎辰星光輝照天下

齊賢曰賀知章薦太白召見待詔漢嚴光足加帝腹

感客星犯御座晉天文志太微天子庭也五帝座也良亡匿下邳於圯橋遇老父受書書說命高宗夢得說使百工營求諸野得諸傅巖乘東維騎箕尾而比於列星終古不忒

與君各未遇長策委蒿

萊寶刀隱玉匣鏞溢空莓苔遂令世上愚輕我土與灰

一朝攀龍去鼃黽安在哉故山定有酒與爾傾金壘

齊賢

曰齊魯間謂鼃爲蜺黽耿黽也尤怒鳴聒人

訓岑勛見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續不

以千里遙命駕來相招中逢元丹丘登嶺宴碧霄對酒

忽思我長嘯臨清颿

齊賢曰鄂州有黃鶴樓因黃鶴山以名相傳費文禕得仙駕鶴憩此

世說呂安思嵇康千里命駕

蹇予未相知茫茫綠雲垂俄然素書及

解此長渴飢策馬望山月途窮造階墀喜茲一會面若

覩瓊樹枝憶君我遠來我歡方速至開顏酌美酒樂極

忽成醉我情既不淺君意方亦深相知兩相得一顧輕

千金且向山客笑與君論素心

齊賢曰離騷註蹇難也

答從弟幼成過西園見贈



一身自瀟灑萬物何驚誼拙薄謝明時棲閒居故園二  
季過舊壑四鄰馳華軒衣劍照松宇賓徒光石門山童  
薦珍果野老開芳樽上陳樵漁事下叙農圃言昨來荷  
花滿今見蘭苕繁一笑復一歌不知夕景昏醉罷同所  
樂此情難具陳

齊賢曰鄭玄禮記註曰聞誼賢則人意  
動作孔安國曰伯仲叔季順少長也文

中子註關子明霍  
及皆隱於樵漁

訓王補闕惠翼莊廟宋丞泚贈別

學道三千春自言義和人軒蓋宛若夢雲松長相親偶

將二公合復與三山鄰喜結海上契自為天外賓鸞翮

我先鍛

所戒切

龍性君莫馴

齊賢曰孔安國註堯典曰重黎之後羲氏和氏世掌天地

四時之官南史陶潛嘗言五六月北窓下卧遇涼風暫至自謂是羲皇上人說苑翟黃乘車戴華蓋田子方怪而問之曰吾祿厚得此軒蓋緼推翼也朴散不尚古時訛皆失真勿踏荒

溪波竭

邱傑切去也

來浩然津辟帶何辭楚桃源堪避秦世

迫且離別心在期隱淪訓贈非炯誠永言銘佩紳

齊賢曰陶

潛桃花源記事見二卷桓譚新論天下神人五一日神

仙二曰隱淪士贇曰楞嚴經曰云何汝今以動為身以動為境從始汨終念念生滅遺失真性顛倒行事性心失真認物為已輪回是中自取流轉

訓裴侍御對雨感時見贈

金陵

雨色秋來寒風嚴清江與孤高繡衣人滿灑青霞賞平  
生多感激忠義非外獎禍連積怨生事及徂川往楚邦  
有壯士鄢郢翻掃蕩中包哭秦庭泣血將安仰鞭屍辱  
已及堂上羅宿莽頗似今之人蠹賊陷忠譴渺然一水

隔何由稅歸鞅日夕聽猿怨懷賢盈夢想

齊賢曰漢書表侍御史有

綉衣直指伍子胥傳吳王閭閻悉興師與唐蔡伐楚楚  
將子常敗走奔鄭吳乘勝而前五戰遂入郢昭王出奔  
吳師入郢子胥掘楚平王墓出其尸鞭之三百年後已  
中包胥求救於秦秦不許包胥立於秦庭晝夜哭七日

七夜不絕其聲秦哀公憐之遣車五百乘救楚敗吳昭  
王復入郢毛詩註食心曰螟食葉曰蝻食根曰螽食節  
曰賊說文𧈧頸組又曰柔革士贊曰說  
文稅或作脫即孟子不脫冕而行之義

贈李十二

士贊曰此詩乃攝監察御史崔成甫贈太白者附此

我是瀟湘放逐臣  
君辭明主漢江濱  
天外常求太白  
老金陵捉得酒仙人

詠崔侍御

巖陵不從萬乘遊  
歸卧空山釣碧流  
自是客星辭帝座  
元非太白醉揚州

齊賢曰逸史章仇兼瓊鎮西川訪道術士有一鬻酒者每有紗帽藜杖四

人來飲酒至數斗積至十餘石即併還之其言愛說孫  
思邈或報章仇公公專令探之忽一日又來公遂潛往  
從者三四人公照至前躍出再拜自稱姓名相顧徐起  
唯柴燼四枚在座前不復見矣時玄宗好道公奏其事  
詔召孫公問之曰此太白酒星仙格絕  
高每遊人間飲酒處處皆至尤樂蜀中

翫月金陵城西孫楚酒樓達曙歌吹日晚乘醉  
著紫綺裘烏紗巾與酒客數人棹歌秦淮往石  
頭訪崔四侍御

昨翫西城月青天垂玉鉤朝沽金陵酒歌吹孫楚樓忽  
憶繡衣人乘船往石頭草裏烏紗巾倒被紫綺裘兩岸

拍手笑疑是王子猷酒客十數公崩騰醉中流謔浪棹

海客喧呼傲陽侯

齊賢曰孫權治建鄴作石頭城王子猷雪夜訪戴逵事見前高誘淮南子

註曰陽國侯溺死於水其神能爲大波

半道逢吳姬卷簾出椰榆我憶君

到此不知狂與羞一月一見君三杯便迴橈捨舟共連

袂行上南渡橋興發歌綠水秦客爲之搖雞鳴復相招

清宴逸雲霄贈我數百字字字凌風颭繫之衣裘上相

憶每長謠

齊賢曰椰榆舉手相弄也

江上答崔宣城

太華三芙蓉明星玉女峯尋仙下西嶽陶令忽相逢問  
我將何事湍波歷幾重貂裘非季子鶴氅似王恭謬忝  
燕臺召而陪郭隗蹤水流知入海雲去或從龍樹繞蘆  
洲月山鳴鵲鎮鐘還期如可訪台嶺蔭長松齊賢曰陶潛為彭澤令晉王恭美姿儀嘗衣鶴氅裘涉雪而行孟昶見之曰此真神仙中人也唐志宣州南陵縣有鵲頭鎮士贇曰太華三芙蓉明星玉女峯蘇季子黑貂之裘敝燕昭王築臺師郭隗事並見前

答族姪僧中孚贈玉泉仙人掌茶

并序

余聞荊州玉泉寺近清溪諸山山洞往往有乳窟

窟中多玉泉交流其中有白蝙蝠大如鴉按仙經  
蝙蝠一名仙鼠千歲之後體白如雪棲則倒懸蓋  
飲乳水而長生也其水邊處處有茗草羅生枝葉  
如碧玉唯玉泉真公常采而飲之年八十餘歲顏  
色如桃花而此茗清香滑熟異於他者所以能還  
童振枯扶人壽也余遊金陵見宗僧中孚示余茶  
數十片拳然重疊其狀如手號為仙人掌茶蓋新  
出乎玉泉之山曠古未覲因持之見遺兼贈詩要



余答之遂有此作後之高僧大隱知仙人掌茶發  
乎中孚禪子及青蓮居士李白也

常聞玉泉山洞多乳窟仙鼠如白鴉倒懸清溪月茗  
生此中石玉泉流不歇根柯洒芳津採服潤肌骨叢老  
卷綠葉枝枝相接連曝成仙人掌似拍洪崖肩舉世未  
見之其名定誰傳宗英乃禪伯投贈有佳篇清鏡燭無  
鹽顧慙西子妍朝坐有餘興長吟播諸天

齊賢曰抱朴子曰千歲編

蝸色如雪集則倒懸腦重故也新序無鹽齊之醜女

訓裴侍御留岫師彈琴見寄

君同鮑明遠邀彼休上人鼓琴亂白雪秋變江上春  
瑤草綠未衰攀翻寄情親相思兩不見流淚空盈巾

齊賢曰鮑

照字明遠爲宋臨江王參軍沈約宋書曰沙門惠休善屬文徐湛之與之甚厚世祖命使還俗本姓湯位至楊州從事陽春白雪曲名也

張相公出鎮荊州尋除太子詹事余時流夜郎行至江夏與張公去千里公因太府丞王昔使車寄羅衣二事及五月五日贈余詩余答以此

詩

流夜郎  
至江夏

張衡殊不樂應有四愁詩慙君錦繡段贈我慰相思鴻

鵠復矯翼鳳凰憶故池榮樂一如此商山老紫芝

齊賢曰張

衡四愁詩序曰張衡不樂久處機密陽嘉中出爲河間相時天下漸弊鬱鬱不得志爲四愁詩其辭曰美人贈我錦綉緞何以報之青玉案商山四皓歌曰煜煜紫芝可以療饑

醉後答丁十八以詩譏余搥碎黃鶴樓

黃鶴高樓已搥碎黃鶴仙人無所依黃鶴上天訴玉帝  
却放黃鶴江南歸神明太守再雕飾新圖粉壁還芳菲

一州笑我為狂客少年往往來相譏君平簾下誰家子  
云是遼東丁令威作詩調我驚逸興白雲遶筆牕前飛  
待取明朝酒醒罷與君爛熳尋春暉齊賢曰黃鶴樓事見前賀知章自號  
四明狂客漢書嚴君平賣卜於成都市日閱數人得百  
錢足自養則閉門下簾而授老子遼東華表柱上有鶴  
云有鳥有鳥丁令威去家千年今始歸城郭雖是人  
民非士贇曰漢書黃霸為潁川太守吏民咸稱神明

答裴侍御先行至石頭驛以書見招期月滿泛

洞庭

君至石頭驛寄書黃鶴樓開緘識遠意速此南行舟風

水無定準湍波或滯留憶昨新月生西簷若瓊鉤今來  
何所似破鏡懸清秋恨不三五明平湖泛澄流此歡竟  
莫遂枉殺王子猷已陵定遙遠持贈解人憂齊賢曰石  
陵王逸註楚辭曰曲瓊玉鉤也平湖指洞庭士贇曰古  
詩三五明月滿四五蟾兔缺枉殺王子猷是用子猷訪  
戴安道事乘興  
而來興盡而返

答高山人兼呈權顧二侯

虹霓掩天光哲后起康濟應運生夔龍開元掃氛翳太  
微廓金鏡端拱清遐裔輕塵集嵩嶽虛點聖明意謬揮

紫泥詔獻納青雲際

齊賢曰虹霓指太平公主輩哲后指玄宗郭氏曰雄曰虹謂明盛者

雌曰霓謂暗微者金鏡喻明道也白天寶初供奉翰林潛草詔詰紫泥詔見前士贊曰變龍唐虞賢臣季康邊

山序文曰人生天地間也若流電之過戶牖輕塵之棲弱草

讒惑英主心思踈佞臣

計彷徨庭闕下歎息光陰逝未作仲宣詩先流賈生涕

掛帆秋江上不為雲羅制山海向東傾百川無盡勢我

於鴟夷子相去千餘歲運闊英達稀同風遙執袂

士贊曰列

子曰地不滿東南百川水源也

登艫望遠水忽見滄浪杳高士何處來

虛舟渺安繫衣貌本淳古文章多佳麗延引故鄉人風

義未淪替顧侯達語默權子識通蔽曾是无心雲俱爲  
此留滯雙萍易飄轉獨鶴思凌厲明晨去瀟湘共謁蒼

梧帝

齊賢曰通蔽通塞也

答杜秀才五松山見贈

宣城五松山南陵銅坑西五六里

昔獻長楊賦天開雲雨歡當時待詔承明裏皆道揚雄

才可觀敕賜飛龍二天馬黃金絡頭白玉鞍浮雲蔽日

去不返總爲秋風摧紫蘭

齊賢曰揚雄獻賦待詔承明廷事見前註

角巾東

出商山道採秀行歌詠芝草路逢園綺笑向人兩君解

來一何好聞道金陵龍虎盤還同謝朓望長安千峯夾

水向秋浦五松名山當夏寒銅井炎鑪歆

虛驕切  
氣出貌

九天

赫如鑄鼎荆山前陶公矍鑠呵赤電回祿睚眦揚紫煙

此中豈是久留處便欲燒丹從列仙

齊賢曰商山隸商  
州楚辭註秀謂芝

草東園公綺里季事見前諸葛亮至鄴曰鍾阜龍盤石  
城虎踞謝朓有晚登三山還望京邑詩唐志秋浦有銅  
有銀南陵舊有銅官治史黃帝採首山之銅鑄鼎於荆  
山下杜預註曰回祿火神老子註曰睚眦眦眦眦眦之  
貌字林曰睚眦  
目眦張目也愛聽松風且高卧颼颼吹盡炎氛過登

崖獨立望九州陽春欲奏誰相和聞君往年遊錦城章



仇尚書倒屣迎飛牋絡繹奏明主天書降問迴恩榮

駢不能就珪組至今空揚高蹈名

齊賢曰陽春曲名見前成都以江山明麗

號爲錦城

夫子工文絕世奇五松新作天下推吾非謝尚邀

彦伯異代風流各一時一時相逢樂在今袖拂白雲開

素琴彈爲三峽流泉音從茲一別武陵去去後桃花春

水深

齊賢曰謝尚邀彦伯事見前卷  
註士贇曰三峽流泉琴操名也

至陵陽山登天柱石訓韓侍御見招隱黃山

韓衆騎白鹿西往華山中玉女千餘人相隨在雲空見

我傳秘訣精誠與天通何意到陵陽遊目送飛鴻天子

昔避狄與君亦乘驄擁兵五陵下長策馭胡戎

齊賢曰列仙傳

韓衆齊人爲王採樂王不肯服衆自服之遂得仙後劉根字君安於華山見一人乘白鹿車者十餘人左右玉女四人執平筑之節皆年十五六餘再拜乞言神人曰爾聞有韓衆否答聞有之神人曰我是也陵陽山在涇縣西南百里乃實子明時泰解繡衣脫身若飛蓬鸞鳳釣得白龍放之之處

翻羽翼啄粟坐樊籠海鶴一笑之思歸向遼東黃山過石柱巖嶠上攢叢因巢翠玉樹忽見浮丘公又引王子喬吹笙舞松風朗咏紫霞篇請開築珠宮步網繞碧落

倚樹招青童何日可攜手遺形入無窮

齊賢曰黃山隸宣州黃帝與浮

丘公遊黃山駐天都峯今有浮丘公仙壇峯嶠高峻貌士贊曰紫霞篇即黃庭內景經也經曰上清紫霞虛皇前太上大道玉宸君閒居藥珠作七言散化五形變萬神是爲黃庭曰內篇詠之萬遍升三天祕要經云仙宮中有寥陽之殿藥珠之闕翠英之房道君在中而說經網罟氣也即禹步交乾履斗之法道書老君於東極碧落之天浮黎之國書則文於青空之林成紫字之文復授青童天君靈書紫文修行二十四字

### 訓崔十五見招

爾有鳥跡書相招琴溪飲手跡尺素中如天落雲錦讀  
罷向空笑疑君在我前長吟字不減懷袖且三年

齊賢曰書

斷曰古文者黃帝史蒼頡所造頡首有四目通於神明  
仰觀奎星圓曲之勢俯察龜文鳥跡之象采衆美合而  
爲字是曰古文南州有  
琴溪即琴高控鯉之處

答王十二寒夜獨酌有懷

士贊曰按此篇造語  
叙事錯亂顛倒絕無

倫次董龍一事尤爲可笑決非太白之作乃先  
儒所謂五季間學太白者所爲耳具眼者自能  
別之今釐而  
置諸卷末

昨夜吳中雪子猷佳興發萬里浮雲卷碧山青天中道  
流孤月孤月滄浪河漢清北斗錯落長庚明懷余對酒  
夜霜白玉牀金井冰崢嶸人生飄忽百年內且須酣暢

萬古情

齊賢曰王子猷雪夜乘興訪戴安道事兄前西京雜記太極殿前有金井欄士贊曰詩云東有啓

明西有長庚傳日旦出謂明星為啓明日既入謂明星為長庚庚續也

君不能狸膏金距

學鬪雞坐令鼻息吹虹霓君不能學哥舒橫行青海夜

帶刀西屠石堡取紫袍吟詩作賦北牕裏萬言不直一

杯水世人聞此皆掉頭有如東風射馬耳

齊賢曰左傳季郈之雞鬪

季氏介其雞郈氏爲之金距唐哥舒翰爲隴右節度副大使築神威軍青海上天寶八載詔翰以朔方河東監牧兵十萬攻吐蕃石堡城克之遂以功加特進魚目亦笑我請一作與明月同

驂騑拳跼不能食蹇驢得志鳴春風折楊皇華合流俗

晉君聽琴枉清角已人誰肯和陽春楚地由來賤奇璞

黃金散盡交不成白首為儒身被輕一談一笑失顏色

蒼蠅貝錦喧謗聲

齊賢曰韓非子曰晉平公問師曠音莫悲於清微乎師曠曰不如清角公

曰寡人願聽之師曠不得已鼓之一奏有玄雲從北方起再奏之大風至大雨隨之裂幃幙破俎豆墜廊瓦坐者散走平公恐懼伏廊室之間晉國大旱赤地三年

曾參豈是殺人者讒言三及

慈母驚與君論心握君手榮辱於余亦何有孔聖猶聞傷鳳麟董龍更是何雞狗一生傲岸苦不諧恩疎媒勞志多乖嚴陵高揖漢天子何必長劍拄頤事玉階達亦

不足貴窮亦不足悲韓信羞將絳灌比禍衡恥逐屠沽

兒齊賢曰曾參殺人事見前士贇曰晉載記苻生司空

王墮剛峻疾惡生嬖人董榮亂政墮疾之如仇畧不

與言或曰董尚書貴幸公宜降意墮曰董龍是何難狗

而令國士與之言乎榮慙恨勸生誅墮臨刑榮曰公復

敢數董龍作難狗乎墮瞋目叱之龍榮小字東漢書稱

衡氣尚剛傲建安初來遊許下時許都新建賢士大夫

四方來集成問衡曰盍從陳長文司

馬伯乎對曰吾焉能從屠沽兒耶君不見李北海英

風豪氣今何在君不見裴尚書土墳三尺高棘一作居

少年早欲五湖去見此彌將鐘鼎疎齊賢曰李邕字泰和楊州江都人父

善淹貫古今注文選釋事而忘意書成以示邕欲有所

更善曰試爲我補益之邕附事見義善以爲不可奪故

兩書並行李嶠張廷珪薦之召拜左拾遺玄宗即位爲  
陳州刺史仇人告邕贓貨枉法下獄當死許昌男子孔  
璋上書曰臣與邕平生不款曲臣知有邕邕不知有臣願  
代邕死疏奏得減死貶遵化尉流璋嶺南討賊有功徙  
澧州司馬後歷淄滑二州刺史始邕早有名重義愛士  
久斥外不與士大夫接因上計入朝人間傳其眉目瓌  
異至阡陌聚觀後生望風內謁門巷填隘中人臨問索  
所爲文章且進上以讓媚出爲北海太守天寶中柳勣  
有罪下獄邕嘗遺勣馬故吉溫使引邕詔就郡杖殺之  
時年七十天下稱李北海邕資豪放不能治細行裴尚  
書未詳

李太白集分類補註卷十九